

百代医宗

九



鼎鑪大醫院頒行內外諸科方論百代醫宗卷之九

大醫院醫官

金谿

省吾 涂 紳

振吾 張文英 公

金陵 少泉 李 潮 刻

小兒脉法總歌

小兒有病須憑脉一指三關定數息遲冷數熱古今傳浮風沉積當先識
 左手人迎主外症右手氣口主內疾外候風寒暑濕侵內候乳食痰積致洪
 緊無汗是傷寒浮緩傷風有汗液浮洪多是風熱盛沉細元因乳食積沉
 緊腹中痛不休弦緊喉間作氣急緊促之時疹痘生緊數之際驚風至
 虛軟慢驚作癎癎緊實風癎發搐搦軟而細者為痺虫牢而實者因便閉脈
 芤亦便中血虛濡有氣兼驚悸滑主露濕冷所傷弦急客忤君須記大
 小不當為惡候二至為脫三至卒五至為虛四至搶六至平和平曰無疾七至
 八至病尤輕九至十至病勢極十一二至死無疑此訣萬中無一失



小兒科論

嘗謂人之生也稟天地之陰陽受父母之精血交感凝合以爲胞胎也乾道成男坤道成女先生右腎爲男陰包陽也先生左腎爲女陽包陰也其次腎生脾脾生肝肝生肺肺生心以生其勝已者也腎屬水故五臟由是爲陰其次心生小腸小腸生大腸大腸生膽膽生胃胃生膀胱膀胱生三焦以生其不勝已者也小腸屬火故六腑由是爲陽其次三焦生八脈八脈生十二經十二經生十二絡十二絡生一百八十絲絡絡生一百八十纏絡纏絡生三萬四千絲絡絲絡生三百六十五節骨節骨生三百六十五大穴大穴生八萬四千毛竅則耳目口鼻四肢百骸之身皆得備矣所謂四月形像具五月筋骨成六月毛髮生七月遊其魂兒能動左手八月遊其魄兒能動右手九月三轉身十月滿足母子分解有延月而生者必生貴子不足而生者必主貧薄余所驗之久矣其降生之後大半胎毒而少半傷食其外感風寒之証十一而已其

所曰變蒸曰痘疹曰斑爛曰驚悸曰風癇曰發搐曰痰壅曰赤瘤曰白
禿曰解顛曰重舌曰木舌以上之証皆胎毒之所致也夫小兒之在腹
也母飢子飢母飽子飽辛辣適口胎氣隨熱情慾動中胎息輒躁或
食煎燻辛酸之味或喜怒不常或嗜慾無節皆能令子受害其為母者
胎前不能謹節產后不能調護或未滿百晷而與之鹹酸未滿一周而
與之肥甘之味所以病從此生曰吐瀉曰黃疸曰五疳曰腹脹腹痛曰
水腫曰瘡痢痰喘是傷食調養失宜之所致也小兒脾胃本自嬌脆易
於損傷且如乳食傷胃則為嘔吐乳食傷脾則為泄瀉吐瀉既久則成
慢驚或為疳病乳食停積則生濕痰痰則生火痰火交作則為急驚或
成喉痺痰火結滯則成癰吊或為喘嗽疳症益小兒多有濕熱食積痰
熱傷乳為病大抵肝與脾經受病居彛肝只是有餘脾只是不足正所
謂陽氣既足陰血未全者也故曰稟純陽之氣為熱彛也不宜過於溫
煖木不表帛襦袴所以太過於煖恐傷陰血下體屬陰得寒涼則陰易

長腸胃尚脆其有魚肉麵食煎燂稠粘堅硬生冷瓜果之類不可克腸
皆宜禁之自無疴癖積聚之証前云及驚風者蓋亦有二焉其慢驚者
脾虛所致先實脾土后散風邪固當養脾宜溫補之其症最難調治意
用硃砂安神丸參朮湯送下更於血藥中求之其急驚風者屬於痰熱
宜以涼瀉之只用降火下痰丸培養血藥作湯送下瀉痢將成慢驚者
用錢氏白朮散加山藥扁豆肉苳菀麩煨用各宜一錢若慢驚已成
者加細辛天麻各宜一錢全蝎三個白附子八分麩煨火煨用之其有
急慢驚風發熱口瘡手心伏熱痰熱喘嗽並用吐法重劑瓜蒂散輕劑
苦參赤小豆末瀆用酸齏汁調下稠有定息更用通聖散蜜丸之而服
又用桑牛陰乾爲末調服以平其風桑牛者桑樹上所產其色黃白者
是也內經曰諸風掉眩皆屬肝木小兒八歲以前曰純陽蓋其真水未
旺心火已炎故肺金受尅難以平木故肝木常有餘脾土常不足或衣
服寒暄不調以致外邪侵襲或飲食飢飽失時以致中風損傷急慢驚風從

此走矣急驚者肝木風邪痰熱有餘之証治當用清涼之藥瀉之慢

驚者脾土中虧不足之証治當用甘溫補中之藥是也若夫急驚之証

因聞不常之聲或遇駟馬禽獸狗畜之唬以致面青口噤殼嘶癢厥過

則容色如故良久復作身熱面赤引飲口鼻氣熱二便黃赤惺惺不睡

因熱盛生痰痰盛則生風偶因驚而發宜用錢氏利驚丸抱龍丸宣風

散五福化毒丹最爲切當慢驚之証多由飲食不節損傷脾胃以致吐

瀉之久中氣太虛而致發搐發則不休身冷面黃不渴口鼻氣寒二便

清白昏睡露睛目翻上視手足瘳痰筋脈拘攣因脾虛則生風風盛則

筋急俗名天弔風者卽此証也治宜用東垣黃芪湯錢氏鈎藤散溫白

丸丹溪參朮湯送下硃砂安神之類錢氏言急驚爲無陰之証因心經

實熱而陰不能以配陽是爲陽盛陰虛之候也言慢驚爲無陽之証因

脾土虛甚而陽不能以勝陰是爲陰盛陽虛之証也故急驚者十生一

或慢驚者十死一生二証決不可紊一途而治也所以曰望聞問切望

者鑑貌也假如面部在腮屬肝右腮屬肺額屬心鼻屬脾頰屬腎肝病則面青肺病則面白心病則面赤脾病則面黃腎病則面黑是乃望而知之者神也聞者聽聲也假如肝病則聲悲肺病則聲促心病則聲雄脾病則聲慢腎病則聲沉此屬於臟也大腸病則聲長小腸病則聲短胃病則聲速膽病則聲清膀胱病則聲微此屬於腑是皆聞而知之者聖也問者問食味也假如好食酸則肝病好食辛則肺病好食苦則心病好食甘則脾病好食鹹則腎病好食熱則內寒好食冷則內熱是乃問而知之者工也切者切脈也假如小兒三歲以下有病須看男女左右之手虎口三關從第二指一節名曰風關二節名曰氣關三節名曰命關辨其紋色紫者屬熱紅者傷寒青者驚風白者是疰病黑者中惡黃者脾之困也若色之見於風關者為輕見於氣關者為重過於命關者難治至三歲以上用一指按寸關尺三部常以六七至為率添則為熱減則為寒浮洪風盛數則多熱沉遲為虛沉實為積是乃切脈而知

之者巧也。須然望聞問切而知病。又當驗病察源。所以胎熱胎寒。先在母之腹中受病。云其椽口臍風者。風濕侵臍胎元有毒。鵝口瘡者。胃中濕熱也。重舌木舌者。脾經有實火也。走馬牙疳者。氣虛濕熱也。好吃泥土者。脾臟生疳。胃中氣熱也。驚叫夜啼者。邪熱乘心也。變蒸發熱者。胎毒將散也。丹毒者。火行於外也。蘊熱者。火積於中也。中惡者。外邪乘之。睡驚者。內火動之。喉痺者。為熱毒。眼痛者。為火盛。膿目者。腎氣上冲。鼻塞者。曰胃風。和頭瘡者。熱毒所攻。臍瘡風濕所中。尾骨痛者。胃氣之傷。濕熱之也。其尾骨在臀光盡處。是太陽所過之穴。諸虫痛者。胃氣之傷。濕熱之變。陰腫疝氣者。寒氣鬱也。盤腸氣痛者。冷氣搏也。脫肛者。大腸虛滑也。遺尿者。膀胱冷弱也。尿濁者。濕滯脾胃也。便血者。熱傳心肺也。下淋者。膀胱鬱熱也。吐血者。榮衛氣逆也。小便不通者。氣血虛。膀胱有痰也。大便閉結者。熱耗其血。大腸澁滯也。解顛者。胎元不全也。行遲髮遲。氣血不克也。龜背者。風邪入脊也。語遲者。邪乘心也。齒遲者。腎不足也。瘡者。

膈上有痰痢者腹中食積咳嗽者風傷肺也喘急者痰火盛也心痛者
虫所啗也腹痛者食所傷也內傷發熱則口苦咽乾外感發熱則鼻塞
聲重腹脹重者脾胃虛弱也水腫者土虧水旺也黃疸者脾胃濕熱也
斑疹者陰陽毒氣也自汗者氣虛也積者有常位有形之血也聚者無
定向無形之氣也胃者主納受也脾者司運化也脾胃壯實一身安
脾胃虛弱百病由生故曰調理脾胃乃醫中之王道節戒飲食是却病
之良方

一驚有二証一有熱痰為急驚當吐瀉之一有脾虛為慢驚蚤當養脾
急驚宜降火下痰養血慢驚先宜實脾後散風邪硃砂安神丸更求血
黃芪湯 治慢驚風之神藥查論中病証并加減施之

黃芪

二錢

人參

一錢

甘草

炙五分

加白芍

一錢炒

右切一劑煎服

以上三味俱甘能助元氣甘又能瀉火內經曰熱淫於內以甘瀉之以

酸收之故白芍酸寒能瀉火酸味能瀉肝而補肺金所補得金

火旺火虛風木何由尅土然後瀉風之邪

錢氏安神丸 治邪驚啼心疳面黃頰赤壯熱証

麥門冬 馬牙硝 白茯苓 乾山藥 寒水石

炙甘草 硃砂一兩 龍腦少許

右為末煉蜜丸如芡實大每用半丸砂糖水磨下如慢驚煎參朮湯磨

送下

錢氏白朮散 治積痛和胃生津瀉痢欲成慢驚服此即効

人參 白朮 木香 白茯苓 甘草

藿香各一錢 乾葛二錢 右切分二劑煎服

丹溪加白芍白扁豆各一錢仍加肉豆蔻覆籛加細辛天麻各一錢全

蝎三個去頭足翅白附子右同煎

急慢驚風湯



薄荷 寒水石各五錢 青黛 白僵蚕 硃砂

全蝎 二個 皂角 槐角 各五錢

右為末燈草湯和乳汁調時時灌下右是一料

慢驚風 母子同服

人參 白朮各一錢 白茯苓 陳皮各五分 甘草 二分

薄荷 二分 天麻 七分 細辛 七分 全蝎 二枚去首足

右切一劑煎服

鎮驚丸 鎮驚寧神退心熱夜啼化痰止咳証

珍珠 一錢 琥珀 天竺黃 雄黃各三錢 金薄 十片

膽星 五錢 牛黃 二錢 射香 五分 硃砂 三錢五分

右為末麩糊丸梧桐子大每用五六丸薄荷湯下

利驚丸 治急驚風神效

天竺黃 二錢 輕粉 青黛 各一錢 黑丑 頭末半兩生用



右為末煉蜜丸梧桐子大每歲兒一九二歲二九五歲兒三九

湯送下

瀉青丸即瀉肝丸 治肝熱急驚搐搦等証

羌活

煨大黃

川芎

梔子

龍胆草

當歸

防風

右等分為末煉蜜丸如菴子大每用半丸至一九淡竹葉湯化砂糖少許下

牛黃抱龍丸 治小兒急慢驚風痰嗽潮搐及傷風瘟疫身熱昏睡氣粗

風熱

痰實壅嗽喘急並宜服之及痘疹首尾可服此藥能鎮驚安神寧心定志除熱化痰止嗽定喘實小兒宜時少與服之則免痰熱驚風証

南星

為末臘月入牛胆中陰煎一百日取出研細一兩

天竺黃

五歲雄黃二錢

辰砂

二錢

射香

一錢

珍珠

一錢

琥珀

一錢

牛黃

五



金薄十片 為衣

右為末水煮甘草膏為丸如芡實子大金薄為衣三歲兒進一九五歲者進二九十歲者進三九滾水待溫磨下驚風薄荷湯下

五福化毒丹 治急驚痰熱搐搦等証

桔梗微炒 玄參焙六兩 青黛二兩 牙硝枯三兩 人參二兩

白茯苓五兩 甘草炙一二兩 五錢 金箔八片 為衣 銀箔八片 為衣 射香五分

右為末煉蜜丸每一兩分作十二丸一歲兒進一丸作四服薄荷水磨下或痘疹上攻口齒涎血臭氣用生地黃自然汁化下一丸又用鷄翎掃口內

鈎藤飲 治吐利脾胃氣弱虛風慢驚証

鈎鈎藤五兩 蟬退 防風 人參 白殭蚕

天麻 蝎尾各二分 半去毒 甘草一分 麻黃各二分 川芎七分

右切一劑量人虛實大小加減分兩進虛寒者加附子一分煎服



温白散 治小兒脾氣虛弱泄瀉瘦怯冷痺吐瀉久病已成慢驚身冷

癡等証

天麻

五錢

白僵蚕

炒

白附子

生用

全蝎

去毒炒

牛胆南星

各二錢五分

右為末湯浸寒食麩丸棗豆大每用五七丸至十五丸米湯送下

涼驚丸

治小兒驚疳証

草龍胆

防風

青黛

各三錢

鈎藤

二錢

黃連

一兩二錢

龍腦

一錢

牛黃

射香

各一字

右為末麩糊丸黍米大每用三五丸至十五丸煎金銀湯下

探生散

治小兒急慢驚風諸藥不効用此藥鼻中定其死生

雄黃

一錢

沒藥

一錢

乳香

五分

射香

一字

右為末用少許吹入鼻中如眼淚鼻涕俱出者可治

珠丸

治急驚風眼上視筋脈急搖頭涎潮壯熱風痰氣喘撮口臍風

臍腹脹硬等証



南星炮

半夏炮

滑石

各一錢五分

巴豆

二十五枚去油

輕粉

五分

右為末麩糊丸黍粒大一二歲用三五丸量大小進藥清茶送下
薄荷湯下

醒脾湯

治小兒吐瀉不止遂成慢驚風脾困昏睡默然不語証

人參

四分

白木

五分

茯苓

五分

木香

三分

全蠲

二分

殭蚕

五分

白附子

三分

天麻

五分

甘草

二分

右切一劑煎服

一方無天麻殭蚕有南星半夏麩陳倉米二百粒煎服

異功散

治小兒吐瀉不思飲食此藥温中壯胃能療虛冷証

人參

白附子

白木

炒各一錢五分

橘紅

七分

木香

甘草

各五分

右切每劑用三錢煎服

紫金錠

治小兒急慢驚風

有神効

人參

白木

茯苓

茯神

山梔



乳香

赤石脂醋煨七欠

辰砂各二錢五分

射香五分

僵蚕五分

五靈脂五分

青礞石

煨一錢

右為末糯米糊丸彈子大金箔為衣每用一九薄荷湯化下

南星散

治小兒驚風已退但聲不能言証

天南星去皮臍一個泡乾末每半字或一字三五歲者半錢用猪胆

汁調下溫水漱口再嚥下水

至聖保命丹 治小兒諸風諸驚內弔肚腹堅硬目睛上視手搐掣角弓

反張痰涎壅盛一切急風並宜治之

天南星

泡

全蝎十四個

僵蚕

白附子

硃砂

另研

射香

另研各一錢

防風

天麻

各二錢

蟬退

一錢

金箔

十片

右為末用糯米糊丸每一兩作四十九丸每服一九薄荷湯化下

保幼化風丹

治小兒四証八候去風痰散驚熱其八候者搐搦掣顛反

引窠視是也搐者兩手伸縮搦者十指開合掣者勢如相撲顛者頭偏



不正反者身仰向後引者臂若開弓窻者目直似怒視者睛露不活是謂八候也四症者驚風痰熱是也此丹非常術也

半夏製

南星泡

川烏

白附子各一兩

鬱金五錢

右為末裝入臘月黃牛胆內陰乾百日取出研末入雄黃硃砂硼砂硝磺各一錢片腦射香少許煉蜜丸豌豆大每用一九燈草薄荷湯化下

黑龍丸 治小兒急慢驚風証

牛胆南星一兩

青礞石硝假金色兩

天竺黃五錢

青黛五錢

蘆薈二錢半

辰砂三錢

殭蚕五分

蜈蚣香油焙一錢五分

右為末煎甘草膏丸芡實大每用二九急驚殭蚕薄荷湯下慢驚煎桔

梗白木湯下

硃砂安神丸 治小兒慢驚風心煩懊惱怔忡症

硃砂四錢

黃連五錢

生甘草二錢半

右為末蒸餅丸黃米大每用十九煎人參白木湯下

